

Akilerartarneq pillugu ilit-
sersuut nipilersortartunut



1. Aallaqqaasiut	5
1.1. Ilitsersuut kikkut iluaqutigissavaat?	5
1.2. Ilitsersuummi assersuutit	5
2. Ukiup akileraarfiusup kaaviiarnera	6
3. Ukiup akileraarfiusup kaaviiarnerani pisartut pingaarutillit	7
3.1.Siumoortumik nalunaarsuineq	8
3.1.1.Siumoortumik nalunaarsuiffissaq	8
3.2.Skattekorti	8
3.3. Ukioq aningaasarsiorfiusoq	9
3.4. Nammineerluni nalunaarsuineq	9
3.4.1. Nammineerluni nalunaarsuiffissaq	9
3.4.2. S24 – Ukiumi aningaasarsiorfiusumi naatsorsuutit inernerinik immersuiffissaq	10
3.5. Inaarummik naatsorsuineq	10
3.5.1. Akileraarutissat sinneri	10
3.5.2. Akileraarutit sippuutaat	11
4. CVR-imut nalunaarsortinneq – aamma nipilersortartunut atuuppoq	11
5. Aningaasarsiat A-t, akileraarutit A-t, aningaasarsiat B-t aamma akileraarutit B-t – suut suuppat?	12
5.1. Aningaasarsiat A-t aamma akileraarutit A-t	12
5.2. Aningaasarsiat B-t aamma akileraarutit B-t	12
5.2.1. Aningaasarsiat B-t akileraarutininik unerartitsivigineqartussanngortillugit aningaasarsiatut A-tut ilanngunneqartussanngortitat	12
6. Sooq akissarsisinneqaraangama nammineerlunga nalunaarutiginniinnarsinnaanangalu akileraarutininik akiliiginnarsinnaanngilanga?	13
7. Nipilersortartooq A-nik B-nillu aningaasarsialik	14
8. Nipilersortartutut sulinnut atatillugu akissarsiatit	15
8.1. Assersuut A: Nipilersortartutut sulinikkut aningaasarsiariumaagassattut naatsorsuutigisatit tamavimmik tassaatinneqarput aningaasarsiat A-t	15
8.2. Assersuut B: Aningaasarsiat B-t naatsorsuutigisatit siumoortumik nalunaarsuiffinni ilanngunneqassapput	16
8.3. Assersuut C: Aningaasarsiaavit B-t naatsorsuutigisannit ikinnerunissaat ukiup aningaasarsiorfiusup qiteqqunnerani ilimagilerpat	16
8.4. Assersuut D: Aningaasarsiaavit B-t naatsorsuutigisamit ikinnerunerat paasinarsivoq .	17



8.5. Assersuut E: Ukiup aningaasarsiorfiusup ingerlanerani tusarnaartitseqqullutit piserineqarputit.....	17
8.6. Assersuut F: Nipilersortartutut sulininnut atatillugu akissarsiatit naatsorsuutigisamit amerlanerupput.....	18
8.7. Assersuut G: Ukiup aningaasarsiorfiusup qiteqqunnerani ilimagilerpat nipilersortartutut sulinikkut aningaasarsiatit ukiup siuliani naatsorsuutigisaraluannit amerlanerussasut	18
9. Nipilersortartutut sulininnut atatillugu aningaasartuutit.....	19
9.1. Assersuut A: Aningaasartuutigiumaagassatut naatsorsuutigisatit siumoortumik nalunaarsuiffimmi ilanngunneqassapput	20
9.2. Assersuut B: Nipilersortartutut sulininnut atatillugu aningaasartuutitit naatsorsuutigisamit ikinnerupput	20
9.3. Assersuut C: Aningaasartuutigiumaagassattut ilimagisaraluatit ukiup aningaasarsiorfiusup qiteqqunnerani ikinnerussangatilerpatit	21
9.4. Assersuut D: Nipilersortartutut sulininnut atatillugu aningaasartuutitit naatsorsuutigisamit amerlanerupput.....	21
9.5. Assersuut E: Ukiup aningaasarsiorfiusup ingerlanerani ilimagilerpat nipilersortartutut sulinikkut aningaasartuutissattut naatsorsuutigisaraluatit amerlanerussasut	22
9.6. Assersuut F: Aningaasartuutitit inuussutissarsiornermut namminerlu atukkanut tunngassuteqarput	22
9.7. Assersuut G: Tusarnaartitsinissamut – nipilersortartunik allanik ilaqarlutit kisimiillutilluunniit - piserineqarputit	23
9.8. Assersuut H: Oqaluttartup nuutaanik immiussinermut atatillugu aningaasartuuteqarputit.....	23
10. Akileraarutissat sinnerinik amerlasuunik akiliinissaq qanoq iliorlunga minnerpaaffianiitissinnaavara?.....	24
10.1 Aningaasarsiat ukiup aningaasarsiorfiusup ingerlanerani allannguuteqarnerisa Akileraartarnermut Aqutsisoqarfiup Innuttaasunik sullissivianut nalunaarutiginnissaat imaluunniit nammineerluni nalunaarsuiffimmik tunniussinissamut piffissarititaq nallertinnagu nammineq piumassutsimik akileraarutininik akiliineq sumik pitsaaquteqarami?	24
11. Isertitat aningaasartuutillu kukkusumik amigartumilluunniit nalunaarutiginerisa kingunerisinnaasaat.....	24
11.1. Akileraarutissat sinneri aamma erniatut tapiliussaq	25
11.2. Nammineerluni nalunaarsuiffiup kingusinaartumik nassiunneqarnera	25
11.3. Nammineerluni nalunaarsuiffiup paasissutissanik kukkusunik amigartunilluunniit imaqarnera	25
12. Isertitat aningaasartuutillu qanoq nakkutigissavakka?.....	26
13. Nammineerluni nalunaarsuiffimmik immersuinermi eqqaamasassat.....	26
13.1. Aningaasarsianik B-nik aningaasarsiatut A-tut isigineqalersunik isertitaqaruit – soorlu tusarnaartitsinikkut il.il.	27



13.1.1. Tusarnaartitsinikkut isertitakka Immikkoortoq 10-miit Immikkoortoq 120-mut nuunngikkukkit qanoq pisoqassava?	27
14. Ikiorneqarnissat pisariaqartippiuk?	28



1. Aallaqqaasiut

Piffissaq tamakkerlugu sulineq aamma saniatigooralugu sulineq. Suliffik pingaarneq aamma suliffiup saniatigut sulineq. Arlalinnik ataatsikkut akissarsiorfeqartarneq nalinginnaalluinnarpoq. Assersuutigineqarsinnaavoq inuk suliffeqarfimmi imaluunniit pisortat suliffeqarfiutaanni piffissaq tamakkerlugu sulisuusoq. Suliffiup taassuma saniatigut inuk nipilersortarpoq, taamaalillunilu tusarnaartitsinikkut oqaluttartullu nuutaanik tunisaqarnikkut aningaasarsiorluni.

Ilitsertuut una ilinnut, nipilersornikkut aningaasarsiaqartartumut suliaavoq – tamanna piffissaq tamakkerlugu nipilersortartutut imaluunniit sunngiffimmi piffissalluunniit ilaannaani nipilersortartutut sulinerugaluarpap apeqqutaatinnagu. Ilitsersuutip siunertaraa akileraartarnerup – matumani aamma aningaasarsiat ilanngaatisallu assigiinngitsut taakkualu nalunaarutigineqartarnerisa – illit nipilersortartutut sulininnut pissusissamisuginnartumik ilaanissaa, imaanngitsoq paasiuminaatsuullunilu artornartuussasoq.

Taassumalu ilutigisaanik siunertaavoq nipilersortartutut soq akileraartussaataitaninnik, aammalu sunik akileraaruteqaatissaqarninnik paasiuminarsaanissaq.

Siunertaavortaaq nipilersortartutut akissarsiaavit ilaasa aalajangersimasumik akileraaruserneqarnissaasa ilaasalu allatut akileraaruserneqarnissaasa paasinarsarneqarnissaat.

Nipilersortartup isertitarisinnaasai aningaasartuutigisinnaasaalu aallaavigalugit assersuusiat assigiinngitsut iluaqutigalugit ukiup akileraarfiusup ingerlanerani qanoq iliortarnissannik ilitsersorneqarputit. Ilitsersuut aamma isertitavit aningaasartuutivillu eqqortumik nalunaarutigisissaannut iluaqutissattut ikiortigisinnaavat, taamaalillutit nipilersortartutut sulinert sapinngisamik annertunerpaamik aallussinnaaqullugu.

Atuarluarina!

1.1. Ilitsersuut kikkut iluaqutigissavaat?

Ilitsersuut inunnut kikkunnulluunniit nipilersortartutut sulinikkut aningaasarsiaqartunut taamanut sammititaavoq. Ukiumut ataasiaannarlutit tusarnaartitsiguit imaluunniit sap.ak. naaneri tamaasa nipilersortaruit apeqqutaatinnagu ilitsersuummi paasissutissiissutit assersuutillu nipilersortartutut sulinikkut aningaasarsiatit aningaasartuutitillu pillugit qanoq iliornissannut iluaqutigissavatit.

Ataaserli immikkooruteqarpoq:

Nipilersortartutut selskabimik (A/S imaluunniit ApS) pilersitsisimaguit aalajangersakkat allat ilinnut atuutissapput. Taamaattumik nipilersortartutut suliaqarnerit selskabitut ingerlakkukku akileraarutissatit pillugit apeqqutissatit kukkunersiuisunnt imaluunniit Akileraartarnermut Aqutsisoqarfimmut saaffiginnissutigissavatit.

1.2. Ilitsersuummi assersuutit

Pisuni aalajangersimasuni sussanersutit/susinnaanersutit ilitsersuummi assigiinngitsunik assersuusiorfigineqarpoq. Akileraarutissavit naatsorsorneqarnissaasa qanoq pisarnerat assersuutit-tini tamani nassuiarneqarpoq. Soorlu: Aningaasarsiatit qaffappata, taava akileraarutissatit




qaffassapput. Tassa pissusissaa, kisianni akileraarutissavitit assigiinngitsunik tunngaveqarluni naatsorsorneqartarput. Taamaammatt malugissallugu pingaartuuvoq assertuutit kisitsisitaat eq-qoqqissaartuunngimmata. Nassuiarpaalli pisut assigiinngitsut illit akileraarutissannut qanoq sunniuteqassanersut.

Ilitsersuut akissutissanik tamarluinnarnik imaqanngilaq, taamaattumik akileraarutissatit pillugit apeqqutissaqaraangavit Akileraartarnermut Aqutsisoqarfik tamatigut saaffigisariaqarpat. Tamanna pillugu paasisutissat erseqqinnerusut immikkoortoq 14-mi takukkit.

2. Ukiup akileraarfiusup kaaviiarnera

Qaammatisiutit malillugit ukiumi qaammatini 12-ini aningaasarsiatit aningaasartuutitillu tunngavigalugit akileraarutissatit naatsorsorneqartarput. Taanna taaneqartarpoq ukioq aningaasarsiorfik. Taamaakkaluortoq ukioq aningaasarsiorfiusoq sioqqullugu aamma ukiup aningaasarsiorfiusup kingorna ullut pisussallu assigiinngitsut eqqumaffigisassaraatit. Tassa oqartoqarsinnaavoq ukioq akileraarfik qaammatit katillugit 22-t missinginik sivissuseqartoq. Qaammatit taakku 22-t matuma kinguliini ukiup akileraarfiup kaajallakkiartorneratut taagorneqarput. Kaajallakkiartornermi tassani pisussat pingaarnerit ataani takusinnaavatit.



3. Ukiup akileraarfiusup kaaviiarnerani pisartut pingaarutillit

Ukiup akileraarfiusup kaajallakkiartornerani pisussat assigiinngitsut tamarmik immikkut ilin-nut pingaaruteqarput. Pisussat taakku assigiinngitsut nassatarisagaat ataani allaaserineqarput.



3.1.Siumoortumik nalunaarsuineq

- Ukioq aningaasarsiorfiusoq aallartitsinnagu aningaasarsiassattut aningaasartuutissatullu naatsorsuutigisatit nalunaarsussavatit. Tamanna siumoortumik nalunaarsuiffissami pisarpoq.

3.1.1. Siumoortumik nalunaarsuiffissaq

- Siumoortumik nalunaarsuiffissaq akileraartussaasunut, aningaasarsianik B-nik aningaasarsiaqassanganineqartunut ilanngaatigineqarsinnaasunillu aningaasartuuteqassanganineqartunut qarasaasiakkut nassiunneqartarpoq **oktoberimi**. Taamaamat imaassinnaavoq siumoortumik nalunaarsuiffissamik nassinneqanngitsutit, taannali illit piffissami siumoortumik nalunaarsuiffiusumi 15. novemberip tungaanut qarasaasiakkut sullissivik.gl-imut iserlutit pissarsiarisinnaavat.
- Siumoortumik nalunaarsuiffissami ilaatigut nalunaarutigissavat aningaasarsianik A-nik aningaasarsiaqassanganersutit aningaasarsiaqassangannginnersutilluunniit.
- Taamatuttaaq B-nik aningaasarsiariumaagassattut naatsorsuutigisatit aamma inuussutissarsiornermut atatillugu aningaasartuutigiumaagassattut naatsorsuutigisatit nalunaarutigissavatit.
- Siumoortumik nalunaarsuiffiup qarasaasiakkut sullissivik.gl-ikkut nassiunneqarnissaanut piffissarititaq kingulleq tassaavoq **ulloq 15. november**.
- Siumoortumik nalunaarsukkatit ullup taassuma kingorna aaqqiiviginiarukkit, tamanna Akileraartarnermut Aqutsisoqarfiup Innuttaasunik sullissivianut ornigunnikkut pisinnaavoq.

3.2.Skattekorti

- Skattekorti akileraartussaasunut tamanut eBoks aqutigalugu **decemberimi** nassiunneqartarpoq.
- Skattekortip imarisai tassaapput ukiumi aningaasarsiorfiusumi illit isertitassattut akileraarutigullu ilanngaatissattut Akileraartarnermut Aqutsisoqarfiup naatsorsuutigisai tamarmiusut.
- Skattekortinni takuneqarsinnaavoq akileraarutininik B-nik akiliisassanersutit aammalu qaammatit tamaasa qanoq akiliisassanersutit.
- Akileraarut taanna taaneqartarpoq akileraarutaagallartoq.



3.3. Ukioq aningaasarsiorfiusoq

- Taaguut 'Ukioq aningaasarsiorfiusoq' qaammatinik 12-inik sivisussuseqarpoq – 1. januarimiit 31. decemberimut. Piffissami tassani aningaasarsiatit aningaasartuutitillu ilanngaatigineqarsinnaasut tunngavigalugit akileraarutissatit tamarmiusut qassiuneri aammalu ukiup aningaasarsiorfiusup ingerlanerani naammattumik akileraarsimanersutit Akileraartarnermut Aqutsisoqarfiup naatsorsortarpai.
- Aningaasarsiatit imaluunniit aningaasartuutit ilanngaatigineqarsinnaasut ukiup aningaasarsiorfiusup ingerlanerani allannguuteqarpata Akileraartarnermut Aqutsisoqarfiup Innuttaasunik sullissivianut saaffiginnissinnaavutit. Taava naatsorsuutigisaagaluit Akileraartarnermut Aqutsisoqarfiup aaqqiivigissavai skattekortimillu nutaamik tunillutit, immaqalu aamma akileraarutinut B-nut akiligassatit allanngortillugit. Skattekorti nutaaq eBoksikkut nassiussarsiarissavat.
- Ukiup aningaasarsiorfiusup ingerlanerani Akileraartarnermut Aqutsisoqarfiup Innuttaasunik sullissivianut saaffiginnittariaqarfitit pillugit assersuutit allat immikkoortoq 7-imi 8-milu takuneqarsinnaapput.
- Malugiuk ukiup kaajallakkiartortarneri qalleraattuummata. Taamak oqarneq ima paasisassaavoq ukiup aningaasarsiorfiusup iluani ukioq, ukiup aningaasarsiorfiusup siulia pillugu nammineerluni nalunaarsuiffimmik tunniussisussaanerit kiisalu ukioq, ukiup aningaasarsiorfiusup tullissaa pillugu siumoortumik nalunaarsuisussanngornissat.

3.4. Nammineerluni nalunaarsuineq

- Aningaasarsiatit aamma aningaasartuutit ilanngaatigineqarsinnaasut ukiup aningaasarsiorfiusup naanerata *kingorna* upernaakkut nammineerlutit nalunaarutigissavatit. Tamanna nammineerluni nalunaarsuiffissami pissaaq.

3.4.1. Nammineerluni nalunaarsuiffissaq

- Nammineerluni nalunaarsuilluni immersuiffissaq inunnut akileraartussaasunut tamanut – *ukiup aningaasarsiorfiusup qaangiutereernerani* – **martsip qaammataani** nassiuneqartarpoq – eBoksikkut.
- Immersugassami allaqqasarput aningaasarsiat aamma aningaasartuutit ilanngaatigineqarsinnaasut pillugit paasissutissat Akileraartarnermut Aqutsisoqarfiup allanit pissarsiarisimasai – matumani ilanngullugit akissarsiat pillugit sulisitsisut paasissutissiisutaat, sulisut kattuffiunut ilaasortaanermut akiliutit aamma aningaaserivinnit erniasiat ernianullu akilikkat.
- *Imaappoq immersugassaq siumoortumik nalunaarsuineri paasissutissanik tunngaveqanngilaq*, taakkumi qularnartoqarput aammalu ukioq aningaasarsiorfiusoq sioqqullugu tunniunneqarnikuullutik. Akerlianilli imaappoq nammineerluni nalunaarsuiffissaq taamaallaat paasissutissanik Akileraartarnermut Aqutsisoqarfiup ***eqqortut naliligaa-nik*** imaqarluni.
- Nammineerluni nalunaarsuiffissaq illit siumoortumik nalunaarsuininni paasissutissanik imaqqanngimmat, taamaallaalli paasissutissanik Akileraartarnermut Aqutsisoqarfimmuut



nalunaarutigineqarsimasunik imaqarmat, aningaasarsiatit B-t nammineerluni nalunaarsuiffimmi allaqqanaviangillat. Taamaammat ukiumi aningaasarsiorfiusumi qaangiutumi B-nik aningaasarsiaqarsimaguit, taava taakku nammineerluni nalunaarsuiffissami ***nalunaarutigissavatit.***

- Paasissutissat nammineerluni nalunaarsuiffissamiittut eqqortuunerat qulakkiissaallugu pisussaavutit. Allatut oqaatigalugu, kisitsisit nammineerluni nalunaarsuiffissamiittut kukkuneqarpata, kisitsisit ikinaagaanerat amerlanaagaaneralluunniit apeqqutaatinnagu, pisussaavutit aaqqiissuteqarfigissallugit.
- Nammineerluni nalunaarsuiffik, *pappialanngorlugu* nassiutissagukku, nassiulluguluunniit aaqqiissuteqarfigissavat kingusinnerpaamik ulloq 1. maj.
- Namminersorlutik inuussutissarsiutinik ingerlataqartut nammineerluni nalunaarsuiffimmik qarasaasiakkut nassiussinissaannut killiliussaq tassaavoq **15. maj.**
- Nammineerluni nalunaarsuiffik kingusinaartumik, amigartumik imalik kukkuneqartorluunniit nassiukkaanni tamanna aningaasatigut pineqaatissiinermik kinguneqassaaq. (Takuuk immikkoortoq 11.1 aamma 11.2.)

3.4.2. S24 – Ukiumi aningaasarsiorfiusumi naatsorsuutit inernerinik immersuiffissaq

- Suliffeqarfiutivit naatsorsuutai aningaasarsiannik aningaasartuutinnillu takutitsisut tamatigut suliarisartussaavatit. Naatsorsuutit taakku nammineerluni nalunaarsuiffimmut ilanngullugit nassiutissavatit.
- Namminersorlutit inuussutissarsiummik ingerlataqarlutit aningaasarsiatit B-t ukiumut 1.000.000 kr.-init ikinneruppata immersuiffissaq S24 immersoriarlugu nammineerluni nalunaarsuiffinnut ilanngullugu nassiussinnaavat.

3.5. Inaarummik naatsorsuineq

- Inaarummik naatsorsuut Akileraartarnermut Aqutsisoqarfiup **augustimi** eBoksikkut ilinnut nassiutissavaa. Inaarummik naatsorsuut tigugukku takusinnaavat ukiup ingerlanerani akileraarutitut naammattumik akiliisimanerlutit.

3.5.1. Akileraarutissat sinneri

- Akileraarutissanut tamarmiusunut akiliinikippallaarsimaguit nikingassut akileraarutissavit sinnerisut akiligassiissutigineqassaaq.
- Taakku qaavisigut akileraarutissat sinnerinut ernialiussaq 8%-iussaq akiligassiissutigineqassaaq. Taamaammat imaappoq: Akileraarutissat sinneri amerlanerujartortillugit ernialiussaq annertunerussaaq.
- Akileraarutissat sinneri naafferartumik qaammatini pingasuni akiligassatut akiligassiissutigineqassapput, piffissaagallartillugu akiliiffissat tassaallutik 1. september, 1. oktober aamma 1. november. Akileraarutissat sinneri piffissaagallartillugu akilinngikkukkit taakku qaammatit akiliinngitsoorfiusut tamaasa 1%-imik ernialersorneqassapput.



- Akileraarutissat sinnerisa ilaat 18.000 kr.-it tikillugit ukiumi tulliuuttumi siumoortumik nalunaarsuinnermut nuutsinneqarsinnaapput. Taamatut pisoqarnerani akiliinissaq ukiutum aningaasarsiorfiusumut tulliuuttumut tamarmut siammarlugu nuunneqassaaq. Taak-kununnga 18.000 kr.-inut ilaavoq akiliut 6%-iusoq (16.981 kr. + akiliut 6% = 18.000).
- Akileraarutissat sinnerinut akiligassaqaarnerit paasinarsippat, taava naafferartumik aki-liissaguit aningaasat ikinnerpaat naafferartumik akilersugassat kingullersaata akilerne-qarfissaanni kingullermi, tassalu 1. november akilissavatit.
- Aammali akileraarutinut akiligassat amigaataasut nammineq piumassutsimik akiliinik-kut akilersinnaavatit. Taamaaliourit ernialiusanik 8%-iusunik akiliummilluunniit 6%-iusumik akiligassinneqassanngilatit. Tamanna pillugu erseqqinnerusumik takuuk im-mikkoortoq 10.

3.5.2. Akileraarutit sippuutaat

- Akileraarutissanut tamarmiusunut akiliivallaarsimaguit nikingassutaasut akileraarutit sippuutaattut ilinnut tunniunneqassapput.
- Taakku qaavisigut akileraarutit sippuutaannut ernialiusa 2%-iusoq tunniunneqas-saaq. Taamaamat imaappoq: Akileraarutit sippuutaat amerlanerujartortillugit erniali-ussat annertunerussapput.
- Aningaaserivimmi kontuppit normua Akileraartarnermut Aqutsisoqarfimmut nalunaa-rutigisimagukku akileraarutit sippuutaat augustip naanerani illit kontunnut ikineqas-sapput. Akileraarutit sippuutaannik pinissat naatsorsuutigitillugu kontuppit normua, ukiut tamaasa augustip 9-ata missaata tungaanut imminut sullissivik Sullissivik.gl-imiittoq aqqutigalugu 'stamoplysninger' iserfigalugit nalunaarutigisarsinnaavat.

4. CVR-imut nalunaarsortinneq – aamma nipilersortartunut atuuppoq

CVR pillugu inatsisini piumasaqaataavoq inuit namminersorluni inuussutissarsiummik ingerlataqartut tamarmik Det Centrale Virksomhedsregisterimut (CVR-registerimut) nalunaarsortis-sasut. Nipilersortartutut aningaasarsiortuuguit namminersorlutit inuussutissarsiummik ingerla-taqartutut isigineqassaatit. Tamanna atuuppoq piffissaq tamakkerlugu imaluunniit piffissap ilaannaa nipilersortartutut suliguit.

Akissarsiortuujutugalutit (Soorlu suliffeqarfimmi atorfeqarlutit) namminersorlutit inuussutis-sarsiummik ingerlataqartuusinnaavutit (Soorlu piffissap ilaannaa nipilersortartuullutit). Taa-maattoqartillugu aamma *pisussaavutit* CVR-registerimut nalunaarsortissallutit.

Iserfissaq una aqqutigalugu CVR-registerimut nalunaarsortissinnaavutit: https://virk.dk/myn-digheder/stat/ERST/selvbetjening/Start_groenlandsk_virksomhed/.

Tassa imaappoq CVR-registerimut nalunaarsortissallutit pisussaaffigaat, taamaliunngikkuillu tamanna kinguneqarsinnaavoq.



5. Aningaasarsiat A-t, akileraarutit A-t, aningaasarsiat B-t aamma akileraarutit B-t – suut suuppat?

Akileraartarnermi inatsisit malillugit ukiumut akissarsiannit tamarmiusunit akileraartinneqartussaavutit, taakku Kalaallit Nunaanneersuunerat nunanilluunniit allaneersuunerat apeqqutaatinnagu, aamma aningaasannorlugit tigusimanerat imaluunniit pigisatut aningaasanik nalilitut pisimanerat apeqqutaatinnagu.

Inaarummik naatsorsuut – tassaasoq akileraarutit akiligassavit naatsorsorneqarfiat – ilaatigut aningaasarsiatit tamarmiusut tunngavigalugit Akileraartarnermut Aqutsisoqarfimmit suliarineqartarpoq. Tassani aningaasarsiat A-t aamma aningaasarsiat B-t immikkoortinneqartarput. Aningaasarsiat A-t, akileraarutit A-t, aningaasarsiat B-t aamma akileraarutit B-t immikkoortuni kinguliiniittuni naatsumik nassuiarneqarput.

5.1. Aningaasarsiat A-t aamma akileraarutit A-t

Aningaasarsianut A-nut assersuutit nalinginnaasut tassaapput akissarsiat sulisitsisumit tunniunneqartartut. Aningaasarsiat A-t tunniunneqarneranni akileraarutit A-t sulisitsisuit unerartitarpai Akileraartarnermullu Aqutsisoqarfimmut nalunaarutigalugit. Allatut oqaatigalugu, illit nammineq akileraarutit A-t nalunaarutigineqarnissaat akilerneqarnissaallu isumagissanngilat, pisussaaffik taanna illit sulisitsisunniimmat.

5.2. Aningaasarsiat B-t aamma akileraarutit B-t

Aningaasarsiat B-t tassaapput aningaasarsiat akileraarutinik ilanngarnagit tunniunneqartartut. Aningaasarsiat B-t aamma taaneqartarput inuussutissarsiornikkut isertitat imaluunniit ilaanikkut tassaallutik aningaasaatinit isertitat (pingaartumik erniatigut isertitat aamma aktiat il.il. iluanaarutitaat).

Aningaasarsiat B-t pineqartillugit akileraarutaannik nalunaarutiginnittussaaneq akiliisussaanerlu ilinniippoq. Aningaasarsianik B-nik isertitaqarnermi aningaasarsiat B-t naatsorsuutigisatit siumoortumik nalunaarsuiffinni nalunaarutigisimagukkit akileraarutit B-t qaammatit tamaasa akiligassiissutigineqassapput.

5.2.1. Aningaasarsiat B-t akileraarutinik unerartitsivigineqartussanngortillugit aningaasarsiatut A-tut ilanngunneqartussanngortitat

Nipilersortartutut eqqumaffissaraat aningaasarsiat assigiinngitsut aningaasarsiatut A-tut isigineqarmata, ilutigitilluguli aamma inuussutissarsiornikkut isertitatut taaneqarsinnaasut, tassa imaappoq aningaasarsiat B-t.

Tamanna allatut oqaatigalugu isumaqarpoq, aningaasarsianik taamaattunik tunniussisup pisussaaffigimmagu tunniussinermi akileraarutinik A-nik unerartitsinissaq, naak



aningsarsiat taakku nammineerluni nalunaarsuiffimmi aningsarsiatut B-tut nalunaarutigineqarnissaat illit aningsarsianik pissarsisutut nammineq akisussaaffigaluarit.

Taamaattumik ilinnut nipilersortartuusumut tamanna isumaqarpoq, *tusarnaartitsinerni, naalaartunut aaqqissuussinerni il.il. aaqqissuisut akissarsiatut tunniussaaf qulaani taaneqartunut ilaasut.*

Tassa tusarnaartitsinerni imaappoq:

- 1) Nipilersorfiup/aaqqissuussisup akissarsiat ilinnut tunniutinnginnerini taakku akileraarutaat A-t nalunaarutigalugillu unerartissagai.
- 2) Akissarsiat taakku illit nammineq nammineerluni nalunaarsuiffimmi aningsarsiatut B-tut nalunaarutigissavatit. Tamanna pillugu qanorpiaq iliornissat immikkoortoq 13.1-imi erseqqinnerusumik atuarsinnaavat.

6. Soq akissarsisinnegaraangama nammineerlunga nalunaarutiginniinnarsinnaanangalu akileraarutiniq akiliinnarsinnaanngilanga?

Nipilersortartutut sulinikkut akissarsiat aningsarsiatut A-tut isigineqarnerat pillugu maleruaqassat atuuttut ilinnut nipilersortartumut aamma Namminersorlutik Oqartussanut pitsaaquteqarput:

Nipilersortartunut pitsaaqutit tassaapput nipilersortartut aningsarsiamik nalunaarutiginnissaat akileraarutaasalu akilernissaat nammineerlutik isumagisariaqanngimmatigik. Tassuunakkut akiitsoqalernissaq annikillisinneqassaaq, nipilersortartullu akileraartarnikkut pisussaaffinnut isumagisassaasigut oqilisaanneqassallutik. Taamak periuseqarnerup aamma nipilersortartut oqilisaatissavai, soorlu suliffissaqanngikkallarnerminni ikiorserneqarnissamut periarfissaqarnerit aningsarsiamikkut uppernarsaruminarnerutissammassuk. Assersuut alla tassaasinaavoq periuseq atuuttoq, nipilersortartut soraarnerussutisiaqarnissamut aaqqissuussinermut peqataasussaataaneq pillugu inatsit malillugu pisussaaffimminnik eqquutsitsinerlutik nalilisinnaanerannut oqilisaataassammat.

Namminersorlutik Oqartussanut pitsaaqutit tassaapput aningsarsiat eqqortumik suliarineqarnissaat qulakkeerneqassammat. Tamatuma nassatarissavaa akileraarutit eqqortumik unerartinneqarnissaat, nalunaarutigineqarnissaat akilernerneqarnisaallu, tamannalu akileraartarnerup naapertuilluartumik pitsaasumillu atuutsinneqarneranik qulakkeerinissamut pingaaruteqarpoq.

Nipilersortartut aningsarsiaasa aningsarsiatut B-tut pineqalernissaat siunertaralugu maleruaqassanik allannguisoqassappat tamanna landskarsip isertitassatigut annaasaqaratarsinnaaneranik annertusisitsissaaq aammalu akileraarutiniq akiligassiisarnermi nakkutilliinermilu allaffissornikkut suliaasaqarnerulersitsissalluni. IT-mik atortunik allannguinissanut, ilitsersuutiniq immersugassanillu nutaanik suliaqarnissamut kiisalu innuttaasunik selskabinillu ilitsersuutissamut atatillugu aningsarsartuuteqartoqarlunilu sulisunik atuisoqartariaqassaaq.

Taamatut allannguinissaq pingaartumik nipilersortartunut namminernut allaffissortitsinerulisaaq, aningsarsiatimmi nammineerlutik nalunaarsortussanngussavaat. Nipilersortartut inuus-



sutissarsiummik ingerlataqartutut suligunik akileraarutininik B-nik akiliisartussaassapput. Aningaasarsiatut A-tut isigineqarnerannik aalajangiusimanninnikkut nipilersortartut akileraartineqarnerat pisariinnerullunilu pitsaannerusooq qulakkeerneqassaaq, nammineerlutimmi nalunaarsuinissaaq akileraarutaagallartunillu akiliinissaaq isumagisariaqassanngimmassuk.

Agguataarineq qulaani taaneqartoq allatut oqaatigalugu tassaavoq ilinnut nipilersortartumut iluaqutissaaq. Nipilersorfimmi tusarnaartitsinitit tamaasa imaluunniit erinarsuusiannik nutaanik atuakkanik atorniartarfimmi atuffassinitit tamaasa akissarsianik tunniussisup akileraarutit nalunaarutigippagit illit akileraarutininik nalunaaruteqarnissaaq eqqarsaatigisariaqanngilat.

Akissarsiat aningaasarsiatut A-tut isigineqarnerat illit akileraarutininik qanoq amerlatigisunik akiliinissannut aalajangiisuunngilaq. Tassa imaappooq nipilersorfium akileraarutininik unerartitsissaaq ilinnut akikinnerulernaviaranilu akisunerulernaviannngilaq.

Imaappooq agguataarineq ilinnut nipilersortartumut oqilisaataavoq – akileraarutininik akiliinerunnissat ernumassutigisariaqannginnakku.

7. Nipilersortartoq A-nik B-nillu aningaasarsialik

Ilitsersuutip sinnerani eqqumaffigisassatit tassaapput illit nipilersortartutut pisuni aalajangersimasuni qanoq iliortarnissatit. Pisuni takorluussavat tassaallutit nipilersortartoq aningaasarsianik A-nik B-nillu aningaasarsialik. Pisuni arlaqartuni pineqartunut ataatsikkut ilaasinnaavutit.

Paasiuminarsaalluni aningaasarsiat A-t marlunnut immikkoortinneqarsinnaapput:

- 1) Nipilersortartup sulisitsisumi atorfeqarnemigut akissarsiai. (Sulisitsisooq akileraarutininik A-nik nalunaaruteqartuullunilu unerartitsisuuvoq)
- 2) Nipilersortartup tusarnaartitsinikkut assigisaasigullu akissarsiai. (Tusarnaartitsinernik aaqqissuisut akileraarutininik A-nik nalunaaruteqartuullutillu unerartitsisuuvoq)

Tassa imaappooq, aningaasarsiat A-t pineqartillugit tunniussisooq tassaammat illit aningaasarsianit akileraarutaagallartuninik nalunaarutiginnittuullunilu akiliisussaaq.



Aningaasarsialli B-t pineqartillugit illit tassaavutit taakkuninnga nalunaarutiginnittussaq kii-salu nipilersortartutut sulininnut atatillugu aningaasartuutinnik ilanngaatigineqarsinnaasunik nalunaarutiginnittussaq. Illit aamma siumoortumik nalunaarsukkatit tunngavigalugit akileraarutininik B-nik akiligassiisutaasut akilernissaat isumagissavat.

Boks 1: Aningaasarsiatit akileraaruteqaataasussaangitsut

Innuttaasut tamarmik aningaasartuuteqartussaananermik piunasaqaatitaqanngitsunik ilanngaateqarput marlunnik:

- ❖ **Innunut ilanngaat: 48.000 kr.**
- ❖ **Ilanngaat aalajangersimasoq: 10.000 kr.**
 - Ilanngaat taanna aalajangersimasumik ilanngaatissaraat. Ilanngaatigineqarsinnaasunik aningaasartuuteqaruit 10.000 kr.-init ikinnerusunik, taava ilanngaat aalajangersimasoq tamakkerlugu ilanngaatigissavat.
 - 10.000 kr.-init amerlanerusunik ilanngaatissaqaruit ilanngaatissavitit taakku ilanngaatigissavatit, taamaalillutillu ilanngaat aalajangersimasoq atussanngilat

Taamaattumik imaappoq:

- ❖ Innuttaasoq kinaluunniit minnerpaamik 58.000 kr.-inik ilanngaateqarpoq.

B-nik aningaasarsiaqaruit una atuuppoq:

- ❖ **Aningaasarsiat B-t 5.000 kr.-it siulliit akileraaruteqaataassanngillat.**
 - Soorlu aningaasarsiatit B-t tamarmiusut 15.000 kr.-iuppata, 10.000 kr.-it akileraaruteqaataassapput.

Pisumi tassani aningaasarsiannit 63.000 kr.-it siulliit akileraaruteqaataassanngillat.

8. Nipilersortartutut sulininnut atatillugu akissarsiatit

Oqartoqarsinnaavoq akileraarutininut akiliisarnissat aningaasarsiannit aalajangerneqartoq. Isertitatit amerlanerujartortillugit akileraarnerussaait – aamma killormut. Taamaammatt aningaasarsiaavit B-t eqqortumik nalunaarutiginnissaat pingaartuuvoq.

Aningaasarsiaavit B-t akileraarutaannik akiliissatillutit pisut assigiinngitsut aalajangiisuusarput. Isertitavit eqqortumik nalunaarutiginnissaannut assersuutit assigiinngitsut ataani takusinnaavattit.

Imaassinnaavoq assersuutit tamaasa illit atorsinnaassagitit.

8.1. Assersuut A: Nipilersortartutut sulinikkut aningaasarsiariumaagassattut naatsorsuutigisatit tamavimmik tassaatinneqarput aningaasarsiat A-t



- Takorlooruk ukiumi aningaasarsiorfiussami tulliuuttumi nipilersorfinni tusarnaartitsinikkut taamaallaat isertitaqarnissaat naatsorsuutigigit.
- Aningaasarsianik aningaasarsiatut A-tut isigineqartuinnavinnik isertitaqarnissannik naatsorsuuteqarnerit pissutigalugu, pisumi tassani qanoq iliuseqassanngilatit. Aatsaat nammineerluni nalunaarsuiffissanngorpat eqqumaffigisassaqaasaatit. Immikkoortoq 13.1-imi annertunerusumik atuaruk.

8.2. Assersuut B: Aningaasarsiat B-t naatsorsuutigisatit siumoortumik nalunaarsuiffinni ilanngunneqassapput

- Siumoortumik nalunaarsuiffissat Akileraartarnermut Aqutsisoqarfiup ukiut tamaasa oktoberimi nassiussortarpai, tassanilu illit ukiumi aningaasarsiorfiussami tullermi B-nik aningaasarsiassattut naatsorsuutigisatit nalunaarutigissavatit.
- LP-mik saqqummersitsivutit naatsorsuutigalugulu ukiup aningaasarsiorfiusup ingerlanerani oqaluttartut nuutaat 800-t 100 kr.-illit tunissallugit.
- Tassa imaappoq naatsorsuutigaat 80.000 kr.-it aningaasarsiatut B-tut isertissallugit, taakkulu siumoortumik nalunaarsuiffimmi, Immikkoortoq E1-imi nalunaassavatit.
- Siumoortumik nalunaarsuiffiup nassiunneqarnissaanut piffissaliussaavoq ulloq 15. november.
- Taassuma kingorna Akileraartarnermut Aqutsisoqarfiup naatsorsussavaa B-nik aningaasarsiannit qanoq amerlatigisunik akileraassanersutit.
- Skattekortit Akileraartarnermut Aqutsisoqarfiup decemberimi nassiussortarpai, tassanilu allaqqasarput ilanngaattitit qassiunersut immaqalu aamma akileraarutinut B-nut qaammatit tamaasa akiligassatit qassiussanersut.

8.3. Assersuut C: Aningaasarsiavit B-t naatsorsuutigisannit ikinnerunissaat ukiup aningaasarsiorfiusup qiteqqunnerani ilimagilerpat

- Takorlooruk LP-nik tunisassiornerpit nassiussuinerpillu ilai ukiup aallartinnerani ajornartorsiorititsilersut.
- Nalujunnaarpat ukiup aningaasarsiorfiusup ingerlanerani LP-t 500-innaat tunisinnaassallugit. Tassa imaappoq oqaluttartup nutai ukiup aningaasarsiorfiusup ingerlanerani tunissangasannit 300-nik ikinnerusut.
- Taamaammatt ukiumi aningaasarsiorfiusumi isertikkumaagassatit 30.000 kr.-inik ikilissipatit – 80.000 kr.-iniit 50.000 kr.-inut.
- Akileraartarnermut Aqutsisoqarfiup Innuttaasunik sullissivianut saaffiginnillutit siumoortumik nalunaarsuinerit allangortillugu aningaasarsianik B-nik isertitassatut naatsorsuutigisatit 50.000 kr.-inut appartippatit.
- Taava Akileraartarnermut Aqutsisoqarfiup akileraarutissattut naatsorsuutigisat naatsorsoqqissavai. Pisumi tassani ukiumi aningaasarsiorfiusumi qaammatini sinneruttuni akileraarutinut B-nut ikinnerusunik akiligassinneqassaatit.



8.4. Assersuut D: Aningaasarsiatit B-t naatsorsuutigisamit ikinnerunissaat paasinarsivoq

- Takorlooruk ukiup ingerlanerani LP-nik 800-nik tunisaqarnissat naatsorsuutigisimagit.
- Ukiulli aningaasarsiorfiusup naanerani paasinarsivoq oqaluttaartup nuutai 600-innaat tunisimagitit.
- Tassa imaappoq aningaasarsiatit B-t (oqaluttartut nuutaannik tunisaqarnerup saniatigut aningaasarsianik B-nik allanik isertitaqanngikkuit) 60.000 kr.-iupput, naatsorsuutigisalaruatut 80.000 kr.-iunatik.
- Nammineerluni nalunaarsuiffissaq Akileraartarnermut Aqutsisoqarfiup martsimi ilinnut nassiuttarpaa, tasanilu aningaasarsiatit B-t nalunaarsussavatit. Nammineerluni nalunaarsuiffimmi immikkoortoq 120-mi 60.000 kr.-it allassavatit, taakuummatami B-tut aningaasarsiatit. Qulakkiissavalli kisitsit ilumut tassaassamat B-tut aningaasarsiannut naapertuuttoq. Tamanna immikkoortoq 13.-imi annertunerusumik atuaruk.
- Nammineerluni nalunaarsuiffik, *pappialanngorlugu* nassiutissagukku, nassiulluguluunniit aaqiissuteqarfigissavat kingusinnerpaamik ulloq 1. maj.
- Namminersorlutik inuussutissarsiutinik ingerlataqartut nammineerluni nalunaarsuiffimmik qarasaasiakkut nassiussinissaannut killiliussaqaq tassaavoq 15. maj.
- Taava Akileraartarnermut Aqutsisoqarfiup naatsorsussavaa ukiup aningaasarsiorfiusup ingerlanerani akileraarutinut akiliivallaarsimanersutit. Tamanna inaarummik naatsorsuummi allaqqassaaq.
- Inaarummik naatsorsuut augustimi nassiunneqartarpoq. Akileraarutinut akiliivallaarsimaguit akileraarutit sippuutaat kiisalu tapiliussaqaq taakku 2%-iat ilinnut utertinneqassapput.

8.5. Assersuut E: Ukiup aningaasarsiorfiusup ingerlanerani tusarnaartitseqqullutit piserineqarputit

- Takorlooruk ukiup aningaasarsiorfiusup aallartinnerani piserineqartutit ukiup ingerlanerani kingusinnerusukku festivalertoqarnissaani tusarnaartitsinissamat.
- Tusarnaartitsinermi akissarsiaraatit 30.000 kr.-it – akileraarutit ilanngaatigineqartinnaq.
- Tusarnaartitsinermik aaqqissuisut akileraarutit A-t nalunaarutigalugillu unerartippaat.
- Tusarnaartitsinermik aaqqissuisut akissarsiat ilinnut tunniuppaat.
- Paasissutissat pisariaqartut Akileraartarnermut Aqutsisoqarfiup tusarnaartitsinermik aaqqissuisunit pissarsiarissavai.
- Nammineerluni nalunaarsuiffissaq tigugukku kisitsit 30.000 kr.-it Immikkoortoq 10-miit Immikkoortoq 120-mut nuussavatit. Immikkoortoq 13.1.-imi annertunerusumik atuaruk.



8.6. Assersuut F: Nipilersortartutut sulininnut atatillugu akissarsiatit naatsorsuutigisamit amerlanerupput

- Takorlooruk aperineqartutit affarlivit ernera guitarenermik ilinniartissinnaanerit. Akuersivutit. Ukiup ingerlanerani ilinniartitatit amerlipput.
- Taamaalillutit ilinniartitsinikkut B-tut aningaasarsiaaraatit 20.000 kr.-it.
- Ukiumut aningaasarsiorfiusumut tunngatillugu naatsorsuutit upernaakkut suliarinerani paasivat aningaasarsiatit B-t 80.000 kr.-iusussatut naatsorsuutigisaraluatit katillutik 100.000 kr.-iusimasut.
- Nammineerluni nalunaarsuiffissat Akileraartarnermut Aqutsisoqarfiup martsimi nassiuppaa. Nammineerluni nalunaarsuiffimmi immikkoortoq 120-mi aningaasarsiatit B-t 100.000 kr.-iunerarlugit nalunaarpatit, taakuummatami B-nik aningaasarsiatit. Naatsorsuutitit nammineerluni nalunaarsuiffimmut ilanngullugit nassiuppatit.
- Nammineerluni nalunaarsuiffik 1. maj nallertinnagu nassiuppat (qarasaasiakkulli nassiussiguit tamanna kingusinnerpaamik pissaaq 15. maj).
- Taassuma kingorna marlunnik periarfissaqarputit:
 - 1) Aningaasarsiannit tamarmiusunit, tassa aningaasarsianit A-nit B-nillu ilanngaatisannik ilanngakkanit qanoq amerlatigisunik akileraassanerlutit naatsorsorsinnaavat. Akileraarutissat sinnerinik akiliinissat naatsorsuutigisinnaallugu takusinnaagukku akileraarut taanna nammineq piumassutsinnik akilersinnaavat. Taamaaliornissamut piffissaliussaq tassaavoq 1. maj. Iserfissaq una aqqutigalugu ilitersuut takusinnaavat: <https://aka.gl/-/media/aka/debora/s123/prf-85---2023---kal.pdf?la=kl-gl&hash=FE95D9B1F3A2A03E93BCA5C518DABF3B>
 - 2) Inaarummik naatsorsuutip Akileraartarnermut Aqutsisoqarfiimmit augustimi nassiunneqarnissaa utaqqisinnaavat. Tassani allaqqassaaq ukiup aningaasarsiorfiusup ingerlanerani akileraarutinut qanoq amerlatigisunik akiliinikippallaarsimanersutit. Taassuma kingorna akileraarutissat sinnerinik, akileraarutissat sinnerisa 8%-iannik ernialinnik akiligassinneqassaatit.

8.7. Assersuut G: Nipilersortartutut sulinikkut aningaasarsiasattut ukiup siuliani naatsorsuutigisaraluatit ukioq aningaasarsiorfiusoq qiteqquttoq ikinnerussangatilerpatit

- Takorlooruk LP-t tunisaalluavissut. Taamaalillutit LP-t 1200-t tunivatit – tassaasut tuniniakkatit tamakkerlugit.
- Ukiumi aningaasarsiorfiusumi tassani allanik tunisassiornissaaq angumerisinnaanngilat. Taamaammat ukioq aningaasarsiorfiusoq qiteqquttoq tunisassaarullutit nalunaarputit.
- Taamaalillutit LP-nik 800-nik tunisaqassangagaluarlutit 1200-t tunivatit. Tassa LP-nik tunisaqarnikkut isertitassatut naatsorsuutigisaraluatit 80.000 kr.-it isertinnagit 120.000 kr.-inik isertitaqarputit.
- Akileraartarnermut Aqutsisoqarfiup Innuttaasunik sullissivianut saaffiginnillutit nalunaarutigaat aningaasarsiatit B-t naatsorsuutigisamit 40.000 kr.-inik amerlanerussasut.
- Akileraarutinut akiligassattut naatsorsuutigisaagaluit Akileraartarnermut Aqutsisoqarfiup naatsorsoqqippai. Pisumi tassani akileraarutinik B-nik amerlanerusunik ukiumi aningaasarsiorfiusumi qaammatit sinnerini akiligassinneqassaatit, aningaasarsiaqarnerulernerimmi akileraarutinut akiliinerunissannik kinguneqarmat.



9. Nipilersortartutut sulininnut atatillugu aningaasartuutit

Akileraarutininut akiligassavit naatsorsorneqarnerat aningaasarsiatit aamma aningaasartuutit ilanngaatigineqarsinnaasut tunngavigalugit pisarpoq, soorlu tamanna ilitsersuutip aallaqqaataani nassuiarneqar-toq.

Immikkoortumi matuma siuliani isertitat eqqartor-pavut, immikkoortumilu uani eqqartussallutigik aningaasartuutit ilanngaatigineqarsinnaasut.

Immikkoortup siuliani takuarput aningaasarsiatit amerliartortillugit akileraarutissatit amerliartortut.

Periuseq killormoortua aningaasartuutinnut atuup-poq. Tassa aningaasartuutit ilanngaatigineqarsin-naasut aningaasarsianit ilanngaatigineqartarput. Allatut oqaatigalugu, sinneqartoorutitit (Isertitat ani-ngaasartuutininut ilanngakkat) tunngavigalugit akile-raarutininut akiliisinneqartarputit.

Taamaattumik aningaasartuutivit isertitattuulli nak-kutigilluarnissaat pingaartuuvoq. Tamanna ingerlaa-vartumik naatsorsuusiornikkut pitsaanerpaamik pi-sinnaavoq. Tamanna immikkoortoq 12-imi annertu-nerusumik takuuk.

Aningaasarsiat pissarsiariniarlugit, qulakkeerniarlu-git allannugtsaaliorniarlugillu ukiup ingerlanerani aningaasartuutaasimasut ilanngaatigineqarsinnaap-put.

Allatut oqaatigalugu, pineqarput aningaasartuutit il-lit nipilersortartutut suliaqarninnut attuumassuteqar-tut.

Aningaasartuutitit tamarmiusut tassaapput tusarnaartitsinikkut (Aningaasarsiatut A-tut isigine-qartut) isertitallu allat nipilersortartutut sulinikkut aningaasarsiatit (aningaasarsiat B-t).

Namminerisamik aningaasartuutit ilanngaatigineqarsinnaanngillat. Taamaammat ani-ngaasartuutit suut nipilersortartutut sulininnut attuumassuteqarnerat atorineqarnerallu, suullu namminerisamik atorineqarnerat immikkoortissallugit pingaartuuvoq.

Taakkununga assigiinngitsunut tunngatillugu aningaasartuuteqarnissat ilimanartorujussuu-voq: Tassa imaappoq aningaasartuutit nipilersortartutut sulininnut attuumassutillit *aamma* namminerisamik atugassanut attuumassutillit. Taakkunani illit nammineq nalilertussaavat ani-ngaasartuutit inuussutissarsiornermut qanoq attuumassuteqartiginersut. Naliliineq taanna tun-ngavigalugu aningaasartuutit ilaat inuussutissarsiornermut attuumassuteqartut Akileraartarner-mut Aqutsisoqarfimmuut nalunaarutigissavatit. Tassunga atatillugu eqqumaffigissavat aningaa-

Boks 2

Nipilersortartutut aningaasartu- utinut ilanngaatigineqarsinnaasunut assersuutit

Tusarnaartitsinernut atatillugu ani-ngaasartuutit (soorlu: atortunik attar-torneq, assartuineq, unnuineq, ussa-saarineq).

Nipilersukkanik tunissiornermut ata-tillugu aningaasartuutit (soorlu im-miussisarfimmik attartorneq, CD/-LP-nik tunisassiornermi aningaasartuutit).

Nipilersornermi atortunik atortunillu allanik pisinermi aningaasartuutit.

Nipilersornermi atortunik atortunillu allanik aserfallatsaaliineq (soorlu: Pattagissat nipigissarneqassappat guitarilluunniit iluarsaanneqassappat).



sartuutivit ilaat inuusutissarsiornermut tunngassutillit eqqortuunerat Akileraartarnermut Aqutsisoqarfiup naliliiffigisinnaammagu.

Aningaasartuutivit qanoq eqqortumik nalunaarutigisinnaanerannut assersuutit assigiinngitsut ataani takutinneqarput. Eqqortumik nalunaaruteqarnikkut eqqortumik akileraarnissat qulakkiissavat.

9.1. Assersuut A: Aningaasartuutigiumaagassat naatsorsuutigisatit siumoortumik nalunaarsuiffimmi ilanngunneqassapput

- Siumoortumik nalunaarsuiffissat Akileraartarnermut Aqutsisoqarfiup ukiut tamaasa oktoberimi nassiussortarpai, tassanilu illit ukiumi aningaasarsiorfiussami tullermi aningaasartuutissat *naatsorsuutigisatit* tamarmiusut nalunaarutigissavatit.
- Nipilersortartutut sulinnut atatillugu aningaasartuutigiumaagassavit katillutik 30.000 kr.-iunissaat nalilerpat. Kisitsit siumoortumik nalunaarsuiffissamut allappat.
- Siumoortumik nalunaarsuiffiup nassiunneqarnissaanut piffissaliussaavoq ulloq 15. november.
- Taava ilanngaatisatit Akileraartarnermut Aqutsisoqarfiup naatsorsussavai. Naatsorsuineq aningaasartuutissatut nalunaarutigisatit tunngavigalugit pisarpoq. Skattekortissat qaammammut ilanngaatisavit allasimaffigisaat Akileraartarnermut Aqutsisoqarfiup decemberimi nassiutissavaa.

MALUGIUK: Ukiumi aningaasarsiorfiusumi B-nik aningaasarsiariumaagassatut naatsorsuutigisatit siumoortumik nalunaarsuiffinni nalunaarsimagukkit aningaasartuutissatit taakkunanga ilanngaatigineqassapput. Aningaasarsiat B-t aningaasartuutillu amerlassusii apeqquaatillugit akileraarutinut B-nut qaammatikkaartumik nammineq akilertagassannik akiligassinneqassaait. Itinerusumik paasisaqarumallutit immikkoortoq 5 takuuk.

9.2. Assersuut B: Nipilersortartutut sulinnut atatillugu aningaasartuutitit naatsorsuutigisamit ikinnerupput

- Takorlooruk guitarertartuullutit guitarinillu nutaanik marlunnik pisinissat naatsorsuutigisimallugu. Taamaammatt aningaasartuutigiumaagassatut katillugit 30.000 kr.-it siumoortumik nalunaarsuiffinni nalunaarsimavatit. 20.000 kr.-it guitarinut nutaanut, sinnerilu 10.000 kr.-it aningaasartuutitut allanut.
- Guitarinilli nutaanik pisinissaq pisariaqarunnaarpoq – guitarillu taakku marluk pisarinnarpatit.
- Taamaammatt ukiup aningaasarsiorfiusup naanerani paasinarsivoq aningaasartuutitit 30.000 kr.-iunatik 10.000 kr.-iusimasut.
- Aningaasartuutit taakku 10.000 kr.-it nammineerluni nalunaarsuiffissami martsimi nassiussorneqartussami nalunaarsorsinnaavatit.



- Nammineerluni nalunaarsuiffik, *pappialanngorlugu* nassiutissagukku, nassiulluguluunniit aaqqiissuteqarfigissavat kingusinnerpaamik ulloq 1. maj.
- Namminersorlutik inuussutissarsiutinik ingerlataqartut nammineerluni nalunaarsuiffimmik qarasaasiakkut nassiussinissaannut killiliusseq tassaaq 15. maj.
- Taava Akileraartarnermut Aqutsisoqarfiup inaarummik naatsorsuut naatsorsussavaa, tassanilu takuneqarsinnaassaaq ukiup aningaasarsiorfiusup ingerlanerani akileraarutitut akiliivallaarsimanersutit akiliinikippallaarsimanersutilluunniit. (Aningaasarsiatit aamma tassunga aalajangiisuupput) Tamanna inaarummik naatsorsuummi allaqqassaaq.
- Inaarummik naatsorsuut augustimi nassiunneqartarpoq. Taava aningaasarsiat nalunaarutigisatit amerlassusii apeqqutaatillugit (tak. immikkoortoq 8) akileraarutit sippuutaannik utertitsivigineqassaatit imaluunniit akileraarutissat sinnerinik akiligassinneqassaatit, ernialiusseq siuliini taaneqareersoq ilanngullugu.

9.3. Assersuut C: Aningaasartuutigiumaagassattut ilimagisaraluatit ukiup aningaasarsiorfiusup qiteqqunnerani ikinnerussangatilerpatit

- Takorlooruk tusarnaartitsinissat pilersaarutaagaluartoq ukioq qiteqquttoq taamaatiinarneqartoq.
- Tusarnaartitsinissamut atatillugu 5.000 kr.-inik aningaasartuuteqarnissat naatsorsorsimagaluarpat.
- Taamaalillutik ukiumi aningaasarsiorfiusumi aningaasartuutissatut naatsorsuutigisatit 5.000 kr.-inik ikilipput.
- Akileraartarnermut Aqutsisoqarfiup Innuttaasunik sullissivianut saaffiginnillutit nalunaarutigaat aningaasartuutigiumaagassatut naatsorsuutigisatit 30.000 kr.-it 5.000 kr.-inik ikinnerussasut.
- Taava Akileraartarnermut Aqutsisoqarfiup ukiumi aningaasarsiorfiusumi akileraarutisattut naatsorsuutigisat nutaamik naatsorsorpai. Pisumi tassani akileraarutitik amerlanerusunik ukiup aningaasarsiorfiusup qaammataasa sinnerini akiligassinneqassaatit, aningaasartuutivimmi ikilinerisa kingunerisaanik ilanngaatitit minnerulermata. Tamanna akileraarutitik akiliinerunermik kinguneqassaaq.

9.4. Assersuut D: Nipilersortartutut sulininnut atatillugu aningaasartuutitit naatsorsuutigisamit amerlanerupput

- Takorlooruk nipilersuutinik nutaanik immiussininnut atatillugu aningaasartuutivit naatsorsuutigisamit amerlanerunerat ukiumi naatsorsuutivit takutikkaat. Naatsorsuutigisimagaluarpat aningaasartuutit 5.000 kr.-iussasut, taakkuli 10.000 kr.-iupput. Imaappoq qaffariaat 5.000 kr.-it.



- Nammineerluni nalunaarsuiffissaq Akileraartarnermut Aqutsisoqarfiup martsimi nassiuppaa. Aningaasartuutitit tassani 35.000 kr.-iunerarlugit nalunaarpatit.
- Nammineerluni nalunaarsuiffimmik Akileraartarnermut Aqutsisoqarfimmuut nassiussinissamut piffissaliussaqaq tassavaoq ulloq 1. maj. Imaluunniit nammineerluni nalunaarsuiffik qarasaasiakkut sullissivik.gl-ikkut nassiukkukku tassalluni ulloq 15. maj. Nammineerluni nalunaarsuiffiup nassiunneranut ilutigitiillugu naatsorsuutitit ilanngutissavattit.
- Taava ukiumi aningaasarsiorfiusumi akileraarutinit akiliivallaarsimanersutit Akileraartarnermut Aqutsisoqarfiup naatsorsussavaa. (Aningaasarsiatit aamma tassunga aalajangiisuupput) Tamanna inaarummik naatsorsuummi allaqqassaaq.
- Inaarummik naatsorsuutit augustimi nassiunneqartarpoq. Taava aningaasarsiat nalunaarutigisavit amerlassusii apequtaatillugit (tak. immikkoortoq 8) akileraarutit sippuutaannik utertitsivigineqassaattit imaluunniit akileraarutissat sinnerinik akiligassinneqassaattit, ernialiusaqaq siuliini taaneqareersoq ilanngullugu.

9.5. Assersuut E: Nipilersortartutut sulinikkut aningaasartuutissattut naatsorsuutigisalaruutit ukiup aningaasarsiorfiusup ingerlanerani amerlanerussangatilerpatit

- Takorlooruk ukioq qiteqquttoq piserineqartutit festivalimut angisuumut peqataaqqulluttit. Peqataanissaqaq taanna ilinnut 20.000 kr.-inik aningaasartuuteqarnermik kinguneqassaaq, tamannalu illit naatsorsuutigisimanngikkaluarpat.
- Aningaasartuutissattut naatsorsuutigisatit taamaalillutik 30.000 kr.-iniit 50.000 kr.-inut amerlissapput.
- Akileraartarnermut Aqutsisoqarfiup Innuttaasunik sullissivianut saaffiginnilluttit nalunaarputit aningaasartuutigiumaagassattut naatsorsuutigisavit 20.000 kr.-inik amerlanerunissaat naatsorsuutigalugu.
- Taava Akileraartarnermut Aqutsisoqarfiup akileraarutinit B-nut akiligassatit naatsorsorpari. Pisumi tassani ukiup aningaasarsiorfiusup qaammataani sinneruttuni akileraarutinit ikinnerusunik akiligassinneqassaattit, tassami aningaasartuutivit amerlinerisigut ilanngaattissatit amerlimmata. Taamaakkaluartorli aamma eqqaamassavat isertitatit tusarnaartitsinerup kingunerisaanik amerlisussaammata, tamannalu paarlattuanik akileraarnerulernissannik kinguneqassalluni. Taamaakkaluartoq aningaasartuuteqarnerulerit ilanngaateqarnerulerninnik kinguneqassaaq.

9.6. Assersuut F: Aningaasartuutitit inuussutissarsiornermut namminerlu atukkanut tunngassuteqarput

- Takorlooruk Sisimiuni tusarnaartitsissasutit, illoqarfimmili allami najugaqarluttit.
- Angalanermit aningaasartuutissatit 3.000 kr.-it ilanngaatigineqarsinnaapput.
- Inooqatigisalli Sisimiunut angalaqataassaaq. Inooqatigisavit angalaneranut aningaasartuutit 3.000 kr.-it ilanngaatigineqarsinnaanngillat.
- Timmisartuutitileqatigiiffimmit fakturamik 6.000 kr.-inik akiligassartallimmik nassinneqarputit.



- 6.000 kr.-it ilaat 3.000 kr.-it kisimik ilanngaatigineqarsinnaapput, taakkumi kisimik nipilersortartutut sulininnut attuumassuteqarput.
- Taamaammatt angalanermut aningaasartuutitit 3.000 kr.-it naatsorsuutinnut nalunaarsorpatit taannalu Akileraartarnermut Aqutsisoqarfimmut nalunaarutigalugu.
- Aningaasartuuvitit allannguutaat ingerlaavartumik - qulaani takutinneqareersutut – Akileraartarnermut Aqutsisoqarfiup Innuttaasunik sullissivianut nalunaarutigisinnaavatit imaluunniit aappaaguani upernaakkut nammineerluni nalunaarsuiffimmi nalunaarsorsinnaallugit.

9.7. Assersuut G: Tusarnaartitsinissamut – nipilersortartunik allanik ilaqarlutit kisimiillutilluunniit - piserineqarputit

- Takorlooruk tusarnaartitsinissamut piserineqarlutit. Taamaattoqarnerani periarfissat marluunerat eqqumaffissaraat:
 - 1) *Kisimiillutit tusarnaartitsissaatit.*
 - Pisumi tassani nammineerluni nalunaarsuiffimmik nassinneqarnissat sioqqullugu qanoq iliuseqassanngilatit, tassami tusarnaartitsinermik aaqqissuisup aningaasarsiatit nalunaarutigissavai akissarsiasavillu ilinnut tunniutilerneranni taakku akileraarutaat ilanngaatigisussaallugit, takuuk immikkoortut 8.1. – 8.5.
 - 2) *Nipilersortartut allat marluk tusarnaartitsinissanni peqataanissamut piserivatit, neriorsorlugillu peqataanerminnut akissarsiumaartut.*
 - Taamatut pisoqarnerani nipilersortartunut taakkununga marlunnut akissarsiasanik aningaasartuuteqassaait.
 - Tamanna isumaqarpoq nipilersortartut taakku marluk akileraarutaannik unerartitsissanngortutit. Taamaattumik qinnuigineqarputit annertunerusumik siunner-sorneqarumallutit kukkunersiuisumut imaluunniit Akileraartarnermut Aqutsisoqarfimmut saaffiginnequllutit.

9.8. Assersuut H: Oqaluttartup nuutaanik immiussinermut atatillugu aningaasartuuteqarputit

- Takorlooruk oqaluttartup nuutaanik immiussillutit. Immiussinermut atatillugu aningaasartuutitit pisunut marlunnut immikkoortinneqarsinnaapput:
 - 1) *Immiussineq namminiivillutit suliareriarlugu oqaluttartut nutaat suliffeqarfimmut tunisassiaritippatit.*
 - Taamatut pisoqarnerani suliffeqarfimmut tunisassioritannut aningaasartuutit kisiisa naatsorsuutinnut ilanngutissavatit, nammineerlunilu nalunaarsuiffissap suliarinerani naatsorsuutinnut ilannguteriarlugit aningaasartuutitit nalunaarlugit. Takuuk immikkoortut 9.1, 9.4. imaluunniit 9.5.
 - 2) *Nipilersortartunik aamma/imaluunniit producerimik immiussisitsivutit, mixerisitsillutit oqaluttartullu nuutaanik masterertitsillutit.*
 - Taamatut pisoqartillugu nipilersortartut aamma/imaluunniit producerip akissarsiaanun aningaasartuuteqarputit.



- Tamanna isumaqarpoq akissarsiarititavit taakku akileraarutaannik unerartitsisussanngortutit. Taamaattumik qinnuigineqarputit annertunerusumik siunnersorneqarumallutit kukkunerisuisumut imaluunniit Akileraartarnermut Aqutsisoqarfimmut saaffigineqqullutit.

10. Akileraarutissat sinnerinik amerlasuunik akiliinissaq qanoq iliorlunga minnerpaaffianiitissinnaavara?

Assersuutit qulaaniittut takutippaat inaarummik naatsorsuut augustimi tigugukku akileraarutissat sinnerinut amerlasuunik akiligassaqalernissat qanoq minnerpaaffissaaniitissinnaagit.

Soorlu aningaasarsiatit B-t imaluunniit aningaasartuutit annertuumik allannguuteqassagaluar-pata siumoortumik nalunaarsuinerit Akileraartarnermut Aqutsisoqarfiup Innuttaasunik sullissivianut saaffiginnillutit ingerlaavartumik allanngortittarsinnaavat. Taarsiullugu aamma nammineerluni nalunaarsuiffiup nassiunneqarnissaanut piffissaliussap nallinnginnerani paasigaanni akileraarutitut akiliinikipallaarsimalluni, taava nammineq piumassutsinnik Akileraartarnermut Aqutsisoqarfimmut akileraarutitik akiliisinnaaneq periarfissaavoq.

Iserfissaq una atorlugu taamaaliorinnaavutit: <https://aka.gl/-/media/aka/debora/s123/prf-85--2023---kal.pdf?la=kl-gl&hash=FE95D9B1F3A2A03E93BCA5C518DABF3B>

10.1 Aningaasarsiat ukiup aningaasarsiorfiusup ingerlanerani allannguuteqarnerisa Akileraartarnermut Aqutsisoqarfiup Innuttaasunik sullissivianut nalunaarutiginnissaat imaluunniit nammineerluni nalunaarsuiffimik tunniussinissamut piffissarititaq nallertinnagu nammineq piumassutsimik akileraarutitik akiliineq sumik pitsaaquteqarami?

Siumoortumik nalunaarsuinerit piviusorsioruuppat, taava akileraarutissatit inaarummik naatsorsuinerimi eqqornerussapput. Taamaattumik siumoortumik nalunaarsuinerpit sapinngisamik eqqortuunissaa siunertaralugu ingerlaavartumik aaqqittariaqarpat.

Inaarummik naatsorsuutip takutippagu ukiup ingerlanerani akileraarutitut akiliinikipallaarsimasutit, taava akileraarutissat sinnerinik akiligassinneqassaatit. Akileraarutissat sinneri 8%-imik ernialernejartarput, taakkulu akileraarutissavit sinnerinut ilanngullugit akileqquneqassallutik. Akileraarutissat sinnerinut akiligassat amerlanerujartortillugit ernianut akiligassat amerlanerussapput. Imaappoq akileraarutissat sinnerinut akiligassatit minnerpaaffianiitikkukkit ernialiusat aamma ikinnerussapput.

11. Isertitat aningaasartuutillu kukkusumik amigartumilluunniit nalunaarutiginerisa kingunerisinnaasaat



Paasissutissanik kukkusunik nalunaaruteqarneq, nalunaaruteqannginneq imaluunniit piffissaa-gallartillugu/piffissaq eqqorlugu nalunaarutiginninnginneq assigiinngitsunik kinguneqarsin-naapput. Kingunerisartagaat nalinginnaanerpaat ataani naatsorsumik allaaserineqarput.

11.1. Akileraarutissat sinneri aamma ernaliussaq

Immikkoortumi qulaani taaneqareersutuut akileraarutissat sinneri ernaliussamik 8%-imik – tapiliussatut ernianik taaneqartartumik – ilallugit akiligassiissutigineqartarput. Akileraarutis-savit sinneri assersuutigalugu 10.000 kr.-iuppata, taava 10.800 kr.-it akilissavatit. Qulaani taaneqareersutuut siuumoortumik nalunaarsuinerit isertitavit aningaasartuutivillu allanngorar-nerat ilutigalugu ingerlaavartumik aaqqittarukku akileraarutissat sinnerinut akiligassinneqar-nissat minnerpaaffianiitissinnaavaat.

11.2. Nammineerluni nalunaarsuiffiup kingusinaartumik nassiunneqarnera

Nammineerluni nalunaarsuiffik kingusinaarlutit nassiukkukku akileraarutissatit ullut kingusi-naarlutit nassiussiffitit tamaasa ullormut 200 kr.-inik taperneqassapput. Nammineerluni nalu-naarsuiffik ullut 10-t kingusinaarlutit nassiukkukku, taava akileraarutinut tapiliussanik 2.000 kr.-inik akiliisinneqassaait.

Nipilersortartutut namminersorluni inuussutissarsiummik ingerlataqartutut isigineqaravit, taa-va akileraarutinut tapit annerpaamik 5.000 kr.-iusinnaapput.

11.3. Nammineerluni nalunaarsuiffiup paasissutissanik kukkusunik amigartunil-luunniit imaqarnera

Akileraartarnermut Aqutsisoqarfiup nammineerluni nalunaarsuiffissaq ukiumut aningaasarsi-orfiusumut tunngatillugu paasissutissat ilaannik ilinnut tunngasunik imaqareersoq martsimi nassiutissavaa. Nammineerluni nalunaarsuiffissamut tunngatillugu qanoq iliuseqanngikkuit naatsorsuutigineqassaaq imai illit akuerigitit.

Nammineerluni nalunaarsuiffiup eqqortuunera paasissutissallu allaqqasut tamarnik eqqortuu-nerat illit misissugassarivat, matumani ilanngullugu nipilersortartutut ingerlataqarninni iserti-tatit aningaasartuutitillu nalunaarsimanerlugit. Taamaaliunngikkuit paasissutissanik eqqun-gitsunik paasinerluutaasinnaasunilluunniit nalunaarutiginnissimasutut isigineqassaait.

Nammineerluni nalunaarsuiffik nassiutinngivissuarukku, imaluunniit paasissutissanik eqqun-gitsunik paasinerluutaasinnaasunilluunniit nammineerluni nalunaarsuiffimmut allataqarsi-maguit pillaammik akiliisinneqarsinnaavutit imaluunniit Kalaallit Nunaanni pinerluttuleriner-mik inatsit naapertorlugu pineqaatissinneqarsinnaallutit.



12. Isertitat aningaasartuutillu qanoq nakkutigissavakka?

Arlaleriarluni taaneqareersutuut nipilersortartut suliaqarninnut atatillugu isertitavit aningaasartuutivillu nakkutiginissaat pingaartuuvoq. Naatsorsuusiortanngikkuit, uppersaatissatit paatsiveqanngippata aammalu Akileraartarnermut Aqutsisoqarfimmut naatsorsuutininik eqqortunik nalunaaruteqartanngikkuit, tamanna ilinnut aningaasatigut kinguneqarnerlussinnaavoq. Qanormi ilillutit aningaasartuutit isertitatillu nakkutigilluarsinnaavigit?

Tamanna tunngaviatigut pisinnaavoq aningaasartuuvit isertitavillu naatsorsuutininut nalunaarsortarnerisigut – tassa isertitavit pissarsiarinerat aamma aningaasartuutivit akilernerat ilutigalugu. Tamanna regneark atorlugu pisariitsumik pisinnaavoq, suliffeqarfiutivimmi sinneqaroorutai/amigartoorutai tassani ingerlaavartumik takusinnaasassavatit.

Nipilersortartut ingerlatatit annertusiartortillugit qulaani taaneqartut pisariunerulissapput. Taamaammat naatsorsuuserinermut atortumik periarfissaqartuarnissat qulakkeerukku pitsaassuaq, taannami atorlugu akiligassat fakturallu nakkutigisinnaavatit.

Najoqqutakkuminartoq tassaavoq – nipilersortartut suliavit qanoq annertutiginera apeqqutaatinnagu:

Isertitaqarnitit aningaasartuuteqarnitilluunniit tamaasa taanna nalunaarsortaruk. Qanorluunniit mikitigigaluarpat angitigigaluarpalluunniit.

Najoqqutassaq taanna malittarukku naatsorsuutivit eqqortuunerat aammalu nammineerluni nalunaarsuiffiup eqqortumik immersornera qularnaannerussapput. Kiisalu aamma siumoortumik nalunaarsorsimasavit ukiup aningaasarsiorfiusup ingerlanerani aaqqiiviginissaat pisariinnerussaaq.

13. Nammineerluni nalunaarsuiffimmik immersuiner mi eqqaamassat

Akileraartarnermut Aqutsisoqarfiup nammineerluni nalunaarsuiffissaq nassiukkaangagu taanna paasissutissanik Akileraartarnermut Aqutsisoqarfiup pissarsiarisimasaanik imaqartarpoq. Paasissutissat taakku eqqortuunerisa qularnaarnissaat illit pisussaaffigivat. Paasissutissat eqqunngippata kisitsisit eqqortut nalunaassavatit. Allatut oqaatigalugu, nammineerluni nalunaarsuiffik illit aningaasartuutivit isertitavillu eqqortut kisitsisaannik imaqassaaq – tamannalu illit akisussaaffigivat.

Namminersorluni inuussutissarsiummik ingerlataqartutit (isertitatit tamarmiusut ukiumut 1.000.000 kr.-it inorlugit amerlassuseqarpat) immersugassaq S24 immersorsinnaavat. Immersugassaq uani nassaarisinnaavat: [S24 - Minnerusunik inuutissarsiutillit 1.000.000 kr. ataallugit kaaviiaartitaqartunut naatsorsuiffissaq \(aka.gl\)](#)

Immersugassaq S24 atunngikkukku nipilersortartut isertitavit aningaasartuutivillu naatsorsuutitaat nammineerluni nalunaarsuiffimmut ilanngullugit nassiutissavatit.



13.1. Aningaasarsianik B-nik aningaasarsiatut A-tut isigineqalersunik isertitaqaruit – soorlu tusarnaartitsinikkut il.il.

Tusarnaartitsisimaguit allatulluunniit akissarsiaqarsimallutit, akileraarutinillu unerartitsisusaasoq tassaasimappat aaqqissuisoq (Takuuk immikkoortoq 5.2.1.), taava nammineerluni nalunaarsuiffimmik immersuileruit kinguliini assersuutituulli iliornissat pingaartuuvoq:

- Takorlooruk ukiup ingerlanerani arlaleriarlutit tusarnaartitsisimasutit. Taakku ilutigisaannik pisortat suliffeqarfiutaanni sulisimavutit. Nipilersorfiit aamma pisortat suliffeqarfiutaata aningaasarsiatit (akissarsiatit) Akileraartarnermut Aqutsisoqarfimmut nalunaarutigisimavaat – taakkulu akileraarutaat unerartissimallugit.
- Nipilersorfiit aamma sulisitsisuit nalunaarutaat tunngavigalugit Akileraartarnermut Aqutsisoqarfiup nammineerluni nalunaarsuiffissami immikkoortoq 10-mi 380.000 kr.-it nalunaarsimavai. Taakkunannga 340.000 kr.-it tassaapput pisortat suliffeqarfiutaanni akissarsiatit, 40.000 kr.-illu tassaallutik nipilersorfinni akissarsiatit.
- Nipilersortutut akissarsiat – immikkoortoq 5.2.1.-mi taaneqareersutuut – tassaapput aningaasarsiat B-t aningaasarsiatut A-tut isigineqartussat, taamaattumik 40.000 kr.-it immikkoortoq 10-mi allaqqasut peeriarlugit immikkoortoq 120-mut allassavatit.
- Aningaasarsianik B-nik allanik isertitaqarsimanngikkuit immikkoortoq 10-mi maanna allaqqalissapput 340.000 kr.-it, taavalu immikkoortoq 120-mi allaqqalissallutik 40.000 kr.-it.

Sullissivik.gl-imi imminut sullissivik atorlugu nammineerluni nalunaarsuiffissavit paasissutissartai sukumiinerusumik takusinnaavatit. Immikkoortuni tamani tuugassaq ammarlugu immikkualuttut takusinnaavatit, tassani kikkut nalunaaruteqarsimanerat aningaasartaallu takusinnaassallugit.

13.1.1. Tusarnaartitsinikkut isertitakka Immikkoortoq 10-miit Immikkoortoq 120-mut nuunngikkukkit qanoq pisoqassava?

- Aningaasarsiatit Immikkoortoq 10-miit Immikkoortoq 120-mut qulaani taaneqartutuut nuunngikkukkit taakkunannga 5.000 kr.-it siulliit akileraaruteqaataasussaanninnerat ATUUTINNGITSUUSSAAQ – tassa imaappoq aningaasarsianik B-nik isertitaqarsimanerit nalunaarutigisimannginnakku. (Takuuk boks 1.)
- Taakkuli 40.000 kr.-it Immikkoortoq 10-miit Immikkoortoq 120-mut nuukkukkit, 35.000 kr.-it kisiisa akileraaruteqaatigissavatit – tassa aningaasarsianik B-nik allanik isertitaqanngikkuit.
- Taakkuli 40.000 kr.-it akileraarutaat akileraaruteqaatigereerpatit, tassami nipilersorfiup taakku akileraarutaat unerartereernikuummagit.
- Pisumi tassani akileraarutinut akiliivallaarsimassaait – tassa 5.000 kr.-it akileraarutaasa nalngattut amerlatigisunik (42%-ii tassaasut 2.100 kr.-it). Taakku 2.100 kr.-it inaarummik naatsorsuummi ilaassapput, kingunerissallugulu akileraarutit sippuutaannik utertooteqarnissat imaluunniit akileraarutissat sinnerinut akiligassaagaluanik ikinnerusunik akiligassinneqarnissat.



14. Ikiorneqarnissat pisariaqartippiuk?

Akileraarutinit tunngatillugu allanik apeqqutissaqaruit tamakku arlalitsigut akissutissarsisinaavatit:

- **Aka.gl**
 - Apeqqutit akileraartarnermut tunngasut assigiinngitsut Akileraartarnermut Aqutsisoqarfiup internetikkut nittartagaani akissutissarsisinaavatit.
 - Iserfissaq Immersugassat toorlugu immersugassat pisariaqartissinnaasatit aamma nasaaarisinnaavatit.

- **Sullissivik.gl**
 - Akileraartarnernikkut piginnaatitaaffitit pisussaaffitillu il.il. pillugit paasissutissat assigiinngitsut tassani iserfigisinnaavatit
 - https://www.sullissivik.gl/Emner/B_SKAT?sc_lang=kl-GL

- **Akileraartarnermut Aqutsisoqarfiup Innuttaasunik sullissivia – ornigulluni saaffiginnineq**

Akileraartarnermut Aqutsisoqarfiup Qaortumi, Nuummi, Maniitsumi, Sisimiuni Ilulissanilu Innuttaasunik sullissiviisa akileraarutit pillugit apeqqutinnik ikiorsinnaavaasit.

 - *Ammasarfii:*

Ataasinngorneq, marlunngorneq tallimanngornerlu: 10:00 - 15:00
 Sisamanngorneq: 10:00 - 17:00
 Pingasunngorneq: Matoqqasarput

- **Innuttaasunik sullissivik – Oqarasuaat**
 - Innuttaasunik sullissivik aamma oqarasuaatikkut attavigisinaavat
 - Oqarasuaat: 34 65 10
 - *Piffissaq oqarasuaatikkut saaffiginniffissaq:*

Ataasinngorneq, marlunngorneq, pingasunngorneq tallimanngornerlu: 09:00 - 15:00
 Sisamanngorneq: 09:00 - 17:00

EQQAAMAJUK: Akileraartarnermut Aqutsisoqarfiup akileraarutit pillugit allakkat amerlanerpaartaat digitaliusumik nassiussortarmagit. Tassa imaappoq skattekortit, nammineerluni nalunaarsuiffissat aamma inaarummik naatsorsuutit eBoks aqutigalugu innuttaasunut nassi-



unneqartarput. Taamaammat eBoksit akuttunngitsumik iserfigisaruk, taava Akileraartarnermut Aqutsisoqarfiup piffissaliussaa saaffiginnissutaaluunniit pingaarutilik arajutsissanngilat.

Nipilersortartutut sulininni iluatsitsilluarnissannik kissaappatsigit.

Aammaarlugu: Sumilluunniit nalornissuteqaruit attavigissalluta nangaassanngilatit. Takuss!